



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-01-38844-152/19
Sarajevo 11.12.2019.godine

SKUPŠTINA KANTONA SARAJEVO

- o v d j e -

n/r.Elmedin Konaković, predsjedavajući

PREDMET: Dostava odgovora na zastupničku inicijativu-zastupnik Zvonko Marić

Zastupnik u Skupštini Kantona Sarajevo, Zvonko Marić, na Četrnaestoj Radnoj sjednici Skupštine Kantona Sarajevo, održanoj dana 30.10.2019.godine, u okviru tačke Dnevnog reda "Poslanička/zastupnička pitanja, inicijative i odgovori", pokrenuo je inicijativu, kako slijedi:

"Da Ministarstvo prostornog uređenja, građenja i zaštite okoliša i Kantonalna uprava za inspeksijske poslove obave nadzor nad pravnim licem "Cargo International" d.o.o. Sarajevo, ul. Dobroševići br.12-14."

ODGOVOR:

Ministarstvo prostornog uređenja, građenja i zaštite okoliša Kantona Sarajevo je društvu "Cargo International" d.o.o. izdalo Okolinsku dozvolu br.05-23-3396/19 dana 01.11.2019.godine za betonaru kapaciteta 50 m³/h, ul.Dobroševići br.12-14, Općina Novi Grad, 71000 Sarajevo. U toku vođenja upravnog postupka, operator „Cargo International” d.o.o. je dana 02.10.2019.godine objavio u dnevnom časopisu „Oslobođenje” poziv za učešće javnosti u postupku izdavanja okolinske dozvole. Isto tako, na web stranici Ministarstva objavljen je Javni poziv za javnu raspravu svim zainteresovanim stranama, sa mogućnošću vršenja uvida u dokumentaciju spisa. Ovaj organ u toku javne rasprave nije zaprimio nikakve primjedbe od strane lokalne zajednice.

Zagrijavanje objekta toplotnom energijom vrši se iz vlastite kotlovnice, snage P=30 kW, koja koristi čvrsto gorivo (ugalj). Uz zahtjev za okolinsku dozvolu je priložen Izvještaj o mjerenju emisije zagađujućih materija u zrak br.87/18 od 10.04.2018.godine, „Inspekt-RGH” d.o.o. Sarajevo.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1




U zaključku Izvještaja je navedeno, da se izmjerene vrijednosti emisije zagađujućih materija nalaze u dopuštenim vrijednostima.

Dalje, Odlukom o zaštiti i poboljšanju kvaliteta zraka u Kantonu Sarajevo („Sl.novine Kantona Sarajevo”, br 23/16) propisano je da postrojenja za sagorijevanje snage ispod 50 kW ne moraju vršiti monitoring emisije iz stacionarnih izvora. Iz tog razloga, Monitoring planom predmetne okolinske dozvole nije propisan monitoring emisije za zrak za kotlovnicu.

Pored navedenog, Okolinskom dozvolom su propisane mjere sprečavanja emisije u zrak vezane za kotlovnicu, koje podrazumijevaju obavezu pregleda i čišćenja kotlovskog postrojenja prema čl.54. Odluke o zaštiti i poboljšanju kvaliteta zraka u Kantonu Sarajevo („Sl.novine Kantona Sarajevo”, br 23/16), kontinuirano smanjivanje emisija iz kotlovnice prema čl.34. Odluke, te obavezno postupanje u skladu sa Planom interventnih mjera u slučajevima prekomjerne zagađenosti zraka u Kantonu Sarajevo (oktobar, 2019).

Okolinska dozvola važi za period od 5 godina, shodno Zakonu o zaštiti okoliša F BiH („Sl.novine Federacije BiH”, br. 33/03 i 38/09), a nadzor nad primjenom propisanih mjera vrši Inspekcija zaštite okoliša Kantona Sarajevo.

S poštovanjem,



MINISTAR

Dajin Filipović, MA prava

Dostaviti:

- Naslov
- Stručna služba Vlade Kantona Sarajevo, ovdje
- Evidencija
- a/a



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

